



## Sukisaarsaatigalugu aalisartitsisarnermut Qeqqata Kommunianni akuersissut

Sumiiffinni nunani aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq naapertorlugu sukisaarsaatigalugu aalisartitsisarnermi akuersissutinik tuniussinissamut atatillugu qinnuteqaateqarnissamut qaaqqusissut.

Inatsisartut inatsisaat nr. 19, 3. december 2012-meersoq naapertorlugu sumiiffinni nunami aalajangersimasuni takornariartitsinermut akuersissuteqartarnermik aalajangersakkat naapertorlugit aamma Inatsisartut inatsisaat nr. 15, 3. juni 2015-meersoq Inatsisartut inatsisaata nr. 19, 3. december 2012-meersup allanngortinneqarnera pillugu (Inatsisip atuuffigisaa sukisaarsaatigalugu aalisarnermut akuersissutinut sumiiffikkaanullu pilersaarutinut piginnaatitsissummik ilaqartilergalugu annertusisaaq) takornariartitsisarnermut sumiiffimmut killilikkamut akuersissummik Naalakkersuisut tunniussisinnaapput. Inuussutissarsiornermut, Suliffeqarnermut Niuernermut Nukissiuuteqarnermullu Naalakkersuisoqarfik aamma Qeqqata Kommuniata Visit Greenland suleqatigalugit suliffeqarfinnik aamma inunnik soqutiginnittunik sukisaarsaatigalugu aalisartitsisarnermut akuersissummik nunaminertamut pineqartumut tunineqarnissamut qinnuteqaqqusipput, uani tulliuttuni immikkortumi 3-mi immikkut nalunaarsukkat tunngavigalugit.

Malugeqquneqarpoq neqeroortitsineq una Qeqqata Kommunianni sumiiffinni piffissami 21. januar 2016-imit 7. marts 2016-ip tungaanut ingerlanneqartumi neqeroortitsinermut atatillugu nalunaarutigineqarsimanngitsunut tunngassuteqarmat.

Qinnuteqaqqusissummut ilanngussanullu apeqqutissaqaruit Inuussutissarsiornermut, Suliffeqarnermut Niuernermut Nukissiuuteqarnermullu Naalakkersuisoqarfimmu attaveqassaait: [isiin@nanoq.gl](mailto:isiin@nanoq.gl)

Qinnuteqaat fax-ikkut imaluunniit eletroniskiusumik nassiunneqarsinnaavoq, kisianni taanna ilutigalugu allakkatut anbefalikkatut imaluunniit e-mail-ikkut aamma nassiunneqassaaq, uunga: **Inuussutissarsiornermut, Suliffeqarnermut Niuernermut Nukissiuuteqarnermullu Naalakkersuisoqarfik**

Imaneq 1A 301  
Postboks 1601  
3900 Nuuk

Telefon: (+299) 34 50 00  
Telefax: (+299) 34 63 64

Kalaallit Nunaat

[isiin@nanoq.gl](mailto:isiin@nanoq.gl)

Qinnuteqaasiornermut, pilersaarusionermit il.il. ikiorneqarniaraanni attavigisassat:

Greenland Business A/S  
Boks 608  
3900 Nuuk

Oqarasuaat: + 299 34 2880  
Telefon: +299 34 28 80



E-mail: [info@greenlandbusiness.gl](mailto:info@greenlandbusiness.gl)  
Visit Greenland A/S  
Hans Egedesvej 29  
Postboks 1615

NAALAKKERSUISUT  
GOVERNMENT OF GREENLAND



3900 Nuuk

Telefon: +299 34 28 20

E-mail: [info@greenland.com](mailto:info@greenland.com)



## Imai

1.	Inatsisiliorneq:.....	5
2.	Neqeroortitsineq – Piffissalersuineq .....	6
3.	Sumiiffiit akuersissuteqarfigineqartussat .....	7
4.	Sanaartornissamut periarfissat .....	8
5.	Akuersissutinut atugassarititaasut takussutissiat aamma akiliutissat .....	9
5.1	Naalakkersuisunut akiliutissat .....	9
5.2	Nakkutilliineq .....	9
5.3	Nalunaarusiornissamut pisussaaffik .....	10
5.4	Akuersissummik pigisaqartup akisussaaffii.....	10
5.5	Najukkami oqartussaasunut attaveqarneq.....	10
5.6	Akuersissuteqarfiusumi suliniutit allat.....	10
5.7	Akuersissummik allamut tunniussineq .....	11
5.8	Akuersissummik utertitsineq .....	11
5.9	Akuersissutip atorunnaarnera .....	11
5.10	Aalisakkat pisarineqartut amerlassusaat annertussusaallu.....	12
6.	Pisortat qinnuteqaqqusillutik nalunaarnerat qinnuteqarnermilu periaasissat .....	13
6.1	Qaaqquisutitut allakkiaq .....	13
6.2	Neqeroortitsisut tunuarsimaarutaat.....	13
6.3	Qinnuteqarnermi atugassarititaasut.....	13
6.4	Qinnuteqartup tunuarsimarutai .....	14
6.5	Qaaqquisummi atortunut piginnittussaaneq .....	14
6.6	Qinnuteqaatip imarisaanut tunniunneqarnissaanullu piumasaqaatit.....	14
6.6.1	Ilusisaanut piumasaqaatit.....	14
6.6.2	Suliniutissanut pilersaarut .....	15
6.6.3	Aningaasalersuinissamut pilersaarut .....	15
6.6.4	Ilisimasat .....	15
6.7	Qinnuteqartumut piumasaqaatit uppersaatillu .....	16
6.7.1	Qinnuteqartoq .....	16
6.8	Akuersissummik tunniussinissamut tunngaviusussat.....	18
6.8.1	Suliniutissanut pilersaarut (25 %) .....	18
6.8.2	Fagitigut immikkut ilisimasallit / ilisimasallit aamma assingusumik nioqqutini misilittagallit (25 %).....	19



6.8.3	Aningaasalersuinissamut pilersaarut (25 %)	19
6.8.4	Kalaallini aallaaveqarneq (25 %)	19
6.8.5	Agguaassinissami tungavissat allat	20
7.	Qinnuteqaatinik suliaqarneq	21
7.1	Qinnuteqaatinik misissuineq	21
7.2	Akuersissummik tunniussinermut nalunaaruteqarneq	21
7.3	Qinnuteqartumik toqqarneqartumik nalunaarfiginnineq	21
7.4	Maalaaruteqarsinnaaneq	21



## 1. Inatsisiliorneq:

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq (matuma kingorna “inatsit”) naapertorlugu Naalakkersuisut qinnuteqartumut neqeroortitsineq una naapertorlugu sukisaarsaatigalugu aalisartitsisarnermut nunaminertamut killilikkamut akuersissummik nalunaaruteqarsinnaapput.

Aallaavittut akuersissummik tunniussisoqartassaaq ukiut 5-it angullugit sivisussusilimmik, tupersimaartarfinnik pilersitsisoqassappat, taavalu akuersissummik ukiut 20-it angullugit atuuttussamik tunniussisoqarsinnaalluni illuaqqanik imaluunniit akunnittarfimmik pitsassuarmik pilersitsisoqassappat, takornariartunut qaffasissummik kiffartuussinertaqartumik ingerlatsisoqarsinnaaqqullugu. Piffissaq akuersissuteqarfiusoq sivitsorneqarsinnaavoq, taamaattoq sivisunerpaamik katillugu ukiunut 30-inut.

Akuersissummik ukiut tallimat sinnerlugit sivisussusilimmik pisariaqartitsineq nassiunneqartut **suliniutissat pilersaarutaasuni** aamma **aningaasalersuinissamut pilersaarummi** ersissapput, takuuk imm. 6.6.

Sumiiffinni pineqartuni sulii allanik ingerlatsisoqarsinnaassaaq, assersuutigalugu pisuinaq angalaarlutik takornariarfittut, misigisassarsiorlutik takornariarfittut, sunngiffimmi aalisartitsivittut aamma inuussutissarsiutigalugu aalisarfittut il.il. akuersissummut ilaanngitsunik, tamatumunnga qaqugukkulluunniit atuuttut maleruagassat naapertorlugit ingerlanneqartartunik.

Qinnuteqaateqartup taamaasilluni tusaatissatut tigussavaa sumiiffinni pineqartumi allanik ingerlatsisoqartarnera, taamaattumillu suleqatigiinnikkut oqaloqatigiittarnikkullu isumannaarneqartassaaq ingerlatat assigiinngitsut sanileriissummik ingerlanneqarsinnaanerat.

Naalakkersuisut aalajangersinnaapput Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq naapertorlugu akuersissuteqartoqassanngitsaq, nalilerneqarpat qinnuteqaatit tiguneqartut qinnuteqartitsinermut allakkiami piumasaqaataasunik naammassinninngitsut.

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq naapertorlugu akuersissuteqartoqarnerup akuersissummik pigisaqartut pisussaaffiianngilaa inatsisit allat tunngavigalugit akuersissutinik pisariaqartunik qinnuteqaateqartarnissaannut, tamatumani aamma: Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq, pinngortitamik illersuineq pillugu Inatsisartut inatsisaat nr. 29, 18. december 2003-meersoq, pilersaaruserneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq, eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq il.il.

## 2. Neqeroortitsineq – Piffissalersuineq

24.11.2016	Neqeroortitsineq tamanut takusassiarineqassaaq <a href="http://www.naalakkersuisut.gl">www.naalakkersuisut.gl</a> tusagassiorfiillu allat aqqutigalugit.
30.11. 2016	Piffissaliussaavoq kingulleq qinnuteqartitsinermut tunngatillugu apeqqutinik tigusaqarnissamut.
7.12. 2016	Piffissaliussaavoq kingulleq qinnuteqartitsinermut paasissutissanut tunngatillugu apeqqutit akissutillu kingulliit nassiunneqar-nissaannut. Akissutit tamarmik <a href="http://www.naalakkersuisut.gl">www.naalakkersuisut.gl</a> -imi takusassiarineqassapput .
09.01.2017	Qinnuteqaatit tiguneqarnissaannut piffissaq kingulleq - nal. 12.00
Sap. ak. 3-4 2017	Qinnuteqaatit misissorneqassapput ataatsimiititaliamit Naalakkersuisut sinniisuinik kommunimilu sinniisunik inuttaqartumit.



### 3. Sumiiffiit akuersissuteqarfigineqartussat

Naalakkersuisut aamma Qeqqata Kommuniata akuersissuteqarfigineqarsinnaasutut inuttassarsiuuppai sukisaarsaatigalugu aalisartitsinermik imaluunniit eqalunniartitsisarnermik (Salvelinus alpinus) takornariatitsinermik akuersissuteqarfiusussat tulliuttuniittut:

- ~~O4.1. Egalussuit, Sisimiut Isortuat (malittarisassiami ilaavoq)~~
- O4.2. Egalulik, Sisimiut Isortuata avannaani
- O4.3. Egalunnguit, Sisimiut Isortuata kujatinnguani
- ~~O4.4. Erfalik, Itillip Kangerlussuullu akornanni~~
- O4.5. Sassannguit, Itillip Kangerlussuullu akornanni
- O4.6. Napiarissat, Itillip Kangerlussuullu akornanni
- ~~O4.7. Angujartorfik, Kangerlussuaq~~
- ~~O4.8. Itinersuaq, Appamiut Kangerluarsuanni~~
- O4.9. Sammisup Itinnera, Appamiut Kangerluarsuanni
- O4.10. Naqerloq, Appamiut Kangerluarsuanni
- O4.11. Narsap naqingnera, Appamiut Kangerluarsuanni
- O4.12. Narsaq, Tunu, Ikkamiut Kangerluarsuata eqqaani
- O4.13. Qunneq, Maniitsup eqqaani Isortumi
- O4.14. Kangia, Napasup timaani
- ~~O4.15. Qooqqut, Kangia, Napasup timaani~~
- O4.16. Amitsuarssuk, Kangia, Napasup timaani

Akuersissuteqarfiusussat eqqoqqissaartumik sumiiffii i.il. ersarinnerusumik ilanngussami 1-imi allaaserineqarput.

**Malugiuk: Sumiiffiit titarnikut nalunaarutigineqareersimapput piffissami 21. januar 2016-imit 7. marts 2016-ip tungaanut ingerlanneqartumi neqeroortitsinermi.**



#### 4. Sanaartornissamut periarfissat

Akuersissummik pigisaqartoq periarfissaqassaaq sumiiffinni O4.1 – O4.16-imi illuliornissamut, soorlu illuaqqiornissamut, akunnittarfiliornissamut assigisaanilluunniit sananissamut, pisariaqartunik allanik sanaartukkanik ilaqarsinnaasunik. Piumasaqaatinut tunngatillugu kommunimi pilersaarummut ilassut nr. 27-imum innersuussisoqassaaq.

Illuliussagaanni kommunimut nunaminertamik atuisinnaanermut akuersissummik qinnuteqartoqqaartussaavoq. Sanaartugassanut atatillugu nunaminertamik sanaartorfissamik atuisinnaanermut akuersissut takornariartitsisinnaanermut akuersissummut atasuusaaq, taamalu sanaartukkat taamaallaat atorpeqarsinnaassallutik takornariartitsisarnermut atatillugu nioqqutissianik ingerlatsinermut, inuinnartullu siunertanut atorpeqarsinnaassanatik.

Inatsimmi § 19-imi aamma piumasaqaateqartoqarpoq sanaartukkat pineqartut tunniunneqarnissaannut imaluunniit piiarneqarnissaannut, akuersissutip atorunnaarneranut atatillugu. Immikkut aalajangersakkanik saneqqutisinnanermut akuersissuteqartoqarnissaanik qinnuteqartoqarsinnaavoq, takornariartitsisarnermut akuersissummi siunertaasut saneqqullugit illuutit atorpeqarsinnaanissaat siunertaralugu.

Sumiiffik O4.5 (Angujartorfik, “Robinsom River”) ilaatinneqanngilaq, tassanilu taamaallaat tupertarfiugallartunik nappaasoqarsinnaalluni.

Sumiiffiup tamatuma inuilaatut piunera attatiinnarneqassaaq, mingutitsisoqassanngilarlu imaluunniit erngup kuuffigiisaa aamma kuuit aamma tatsit tarajuusut, sumiiffiup nammineq naasui il.il. innarlerneqassanngillat. Malugiuk nalunaarsuiffik una tamakkiisuunngimmat, sumiiffimmiillu sumiiffimmut allanngorarsinnaalluni.

Sumiiffimmi akuersissuteqarfiusumi aamma tassunga angalaneq Qeqqata Kommuniani qamutininik motorilinnik angalasarneq pillugu malittarisassanit maleruagassiugaavoq.

Akuersissuteqarfiusumi attaveqaatinik atortulersuutinillu, soorlu aqqusinernik, bil-inut illiniliornernut il.il. tunngatillugu akuersissummik pigisaqartoq qinnuteqaateqassaaq, Pilersaarusiorneq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-imeersoq naapertorlugi nunaminertamik atuisinnaanermut akuerineqarnissaminut.





## 5. Akuersissutitut atugassarititaasut takussutissiat aamma akiliutissat

### 5.1 Naalakkersuisunut akiliutissat

Inatsimmi § 16 naapertorlugu akuersissummik pigisaqartumut Naalakkersuisut akiliuteqarnissamik piunasaqarsinnaapput, akiligassiisinnaallutillu.

Tamatumalu saniatigut akuersissummik pigisaqartoq tikeraamut ataatsimut ullormut 130 kr.-inik ukiumit siullermit (1) akiliuteqartassaaq.

Ukiut akuersissuteqarfiusut siulliit marluk kingorna kuummut ataatsimut saniatigut 2.500 kr.-inik akiliuteqartoqartalertassaaq.

Akiliutissat 2015-imi akiusut tunngavigalugit annertussusiligaapput, iluarsivigineqartassallutillu Kalaallit Nunaanni Naatsorsueqqissaartarfiup akinut iluarsisuttagisartaga 1. januar naatsorsorneqartoq tunngavigalugu.

Naalakkersuisut, Qeqqata Kommunia aamma Greenland Business piareersimapput pisortat qinnuteqaatinik tigooraaneranut atatillugu siunnersuinissamut qaavatigut akeqanngitsumik.

Akuersissummik pigisaqartoq inatsisartut inatsisaat naapertorlugit allaffissornermut suliaqarnermut oqartussaniillu allanit suliamut suliaqartunut aningaasartuutissanut akiliuteqassaaq. Akiliut akiligassanngortinneqarsinnaavoq akitsuutitut imaluunniit aningaasartuutaasut matussuserneqarnissaattut. § 26 naapertorlugu.

Akuersissummik pigisaqartoq aamma akuersissutip sivitsorneqarneranut atatillugu inatsimmi § 26 naapertorlugu akitsuummik Naalakkersuisunut akiliuteqarnissamut pisussaaffilerneqarsinnaavoq.

Akuersissummik pigisaqartup pisuni taamaattuni suliap pisortani suliarineqarneranut atatillugu nalunaaquttap akunneranut akiliutaasartussatut aalajangersagaasumik tunngavilimmik akiliuteqartussaavoq. Akiligassap annertussusia aalajangigaavoq Naalakkersuisut suliamik suliaqarneranni aningaasartuutaasunut matussutissatut.

### 5.2 Nakkutillineq

Naalakkersuisut akuersissutinik, akuersissutinik pigisaqartunik suliniutinillu inatsimmi § 25 naapertorlugu ingerlanneqartunik nakkutilliinermik suliaqartarput. Naalakkersuisut qulakkiissavaat nalunaaruteqartarnissamut pisussaaffiup malinneqarnissaa, aammalu siuariartorneq nalunaarusiami allaaserineqartoq akuersissummik pigisaqartumut immikkoortoq 5.3 naapertorlugu isumaqatigiissutigineqarsimasunut naapertuuttuusoq.

Kommunimi pilersaarummut ilassutaasumi nr. 27-imi kiisalu bil-ersinnaanermut maleruagassami piunasaqaatit aalajangersarneqarsimasut eqqortinneqarnissaannik nakkutiginnineq Qeqqata Kommuniata suliaassaraa.

Nakkutilliinermut atatillugu angalanerit akuersissummik pigisaqartumit akilerneqartussapput.



### **5.3 Nalunaarusiornissamut pisussaaffik**

Inatsimmi § 18 naapertorlugu akuersissummik pigisaqartoq akuttunngitsumik suliniutit akuersissut naapertorlugu ingerlanneqartut pillugit Naalakkersuisunut nalunaarusiortassaaq. Tassungalu ilaatillugu pisat annertussusaat ataavartumik nalunaarusiarineqartassallutik.

Akuersissummik pigisaqartoq ukiumut ataasiarluni inaarutaasumik nalunaarusiamik suliaqartassaaq. Nalunaarusiap taassuma suliniutissanut pilersaarut aallaavigisassavaa.

### **5.4 Akuersissummik pigisaqartup akisussaaffii**

Akuersissummik pigisaqartup nunaminertaq akuersissuteqarfiusoq eqqiluutsuutissavaa aammalu illuutit il.il. isumannaatsumik pitsaassuseqartillugit, piffissami akuersissuteqarfiusumi tamarmiusumi. Eqqagassalerineq avatangiisinilu pissutsinut tunngasumik suliat aalajangersakkat atuuttut naapertorlugit ingerlanneqartassapput. Maanna atugassarititaasut kommunimi nunaminertamut pilersaarummut ilassummi normu 27-mi ersipput.

### **5.5 Najukkami oqartussaasunut attaveqarnek**

Akuersissummik pigisaqartup pisortani oqartussaasut susassaartut pissutsinut pingaarutilinnut tunngasumik ilisimatittassavai, aammalu oqartussaasut pineqartut pisariaqarfiisigut suleqatigisassallugit Naalakkersuisunut isumaqatigiissutaasut naapertorlugit.

### **5.6 Akuersissuteqarfiusumi suliniutit allat**

Akuersissummik pigisaqartup sumiffimmi pineqartumi pisinnaatitaaffiit atuuttut ataqqissavai. Akuersissummik tunineqarnek allat sumiiffimmut pineqartumut inatsisit naapertorlugit angalaarsinnaanerannik killiliinngilaq, inatsisillu naapertorlugit sumiiffimmi iliuseqarsinnaanermik aamma killiliinani, tamatumani aamma inatsisit allat atuuttut naapertorlugit suliniutinik allanik ingerlatsisoqarsinnaanera eqqarsaatigalugu.

Nunaminertami akuersissuteqarfiusumi susassaartut allat – akuersissummik pineqartumik pigisaqartuunngitsut – assersuutigalugu:

- a. Inuussutissarsiummik ingerlatsisinnaapput sunngiffimmi aalisartitsinnaallutik;
- b. Takornariartunut sammisunik ingerlatsisinnaallutik, taamaallaat sukisaarsaatigalugu aalisartitsineq pinnagu;
- c. Akuersissuteqarfigineqarsinnaapput misissueqqaarnissamut aamma ujarlernissamut Inatsisartut aatsitassanut inatsisaat nr. 7, 7. december 2009-meersoq (Aatsitassanut inatsit) naapertorlugu, tamatumunngalu pingaarutilinnik suliaqarsinnaallutik.
- d. Akuersissuteqarfigineqarsinnaallutik sanaartornissamut ingerlatsinissamullu ruujorinik, innaallagissamut atortorissaarutinik, sanaartukkanik il.il., aatsitassanut inatsit naapertorlugu suliniutinik ingerlatsinissamik siunertaqartunik;
- e. Akuersissummik pigisaqarsinnaallutik erngup nukinganik iluaquteqarnissamut Innaallagissamik pilersuineranut peqqussut nr. 14, 6. november 1997-imeersumi § 9 naapertorlugu, aammalu Erngup nukinganit nukissiuuteqarnermut Inatsisartut inatsisaat nr. 11, 8. juni 2014-imeersumi § 11 naapertorlugu.



- f. Akuersissutit allat iluaqutigalugit.

### **5.7 Akuersissummik allamut tunniussineq**

Akuersissummik tunniussineq sunaluunniit, toqqaannartumik toqqaannangitsumilluunniit Naalakkersuisunit akuerineqartussaavoq, inatsimmi § 20 naapertorlugu. Naalakkersuisut akuersissummik ingerlatitseqqilluni tunniussineq akuerisinnaavaat, qinnuteqartoq nutaaq qaaqqusissutitut allakkiami matumani piumasqaataasunik atuuttunik naammassinnissimappat.

Akuersissummik tunniussisoqassaaq akuersissut toqqaannartumik akuersissummik pigisaqartumiit akuersissummik pigisaqartussamat nutaamat tuniunneqarpat, imaluunniit toqqaannangitsumik tunniussisoqarpat, akuersissummik pigisaqartup nammineq akuersissutaataa pineqarpat. Tamanna assersuutigalugu pisinnaavoq aktiaatit aalajangiisuusut tunniunneqarnerisigut imaluunniit aktiaatinut atasumik taasisinnaatitaanerup allanngortinneqarneratigut, ingerlatseqatigiiffimmi aalangiisuusumik oqartussaasunngortitsisumik, imaluunniit isumaqatigiissuteqarnikkut taamatulli kinguneqartussaasumik il.il.

### **5.8 Akuersissummik utertitsineq**

Akuersissut utertinneqarsinnaavoq pisuni imaattuni:

- a. Akuersissummik pigisaqartoq paasissutissanik Naalakkersuisunut imaluunniit Qeqqata Kommunanut tunniussinermi peqquserlunnertut nalilernerqarsinnaasumik pissusilersorsimappat.
- b. Akuersissummik pigisaqartoq akiliisinnaajunnaarpat, ingerlatsijunnaarpat, akuerineqartariaqartumik isumaqatigiissutissamik ammaappat assigisaanilluunniit iliuuseqarpat.
- c. Akuersissummik pigisaqartup allatut pissusilersorluni annertuumik akuersissummi imaluunniit aalajangersakkani malinneqartussani inatsimmi akuersissummik tunniussinermut tunngaviusumi atugassarititaasut saneqquppagit, imaluunniit piffissaliussat qaangerpagit.

### **5.9 Akuersissutip atorunnaarnera**

Akuersissutip atorunnaarnerata akuersissummik pigisaqartoq inatsisit naapertorlugit, akuersissut naapertorlugu imaluunniit aalajangersakkat peqqussutaasullu tunngavigalugit pisussaaffinnik naammassinninnsaanik taamaatitsinngilaa.

Akuersissummik pigisaqartoq taamaasilluni pisussaaffeqarpoq akuersissummut tamatumunnga ilanngullugit kiffartuussinissamat atortorissaarutit illuutillu akuersissummik pigisaqartumut nutaamat tunniutissallugit, aalajangersakkanik saneqqutsinissamat akuersissummik qinnuteqarnissamat, imaluunniit illuutit tamaasa kiffartuussinermullu atortorissaarutit allat piarnissaannut, nammineq akilikkaminik.



### ***5.10 Aalisakkat pisarineqartut amerlassusaat annertussusaallu***

Naalakkersuisut akuersissummut aalisakkat pisarineqartut amerlassusaat annertussusaannullu tunngatillugu aalisarfiusinnaasut ataasiakkaat aammalu sukisaarsaatigalugu aalisartitsinerit ataasiakkaat killilersuiffiqarsinnaaneri pillugit aalajangersagaliordfigisinnaavaat.



## 6. Pisortat qinnuteqaqqusillutik nalunaarnerat qinnuteqarnermilu periaasissat

### 6.1 Qaaqqusisutitut allakkiaq

Soqutiginnittut matumuuna qaaqquneqarput qinnuteqaammik nassiussaqaarnissamut, qaaqqusissut una naapertorlugit. Neqeroortitsinermit atortut makkuupput:

- Pappialaat una, ilanngussallu;
- Kommunimi nunaminertanut atuinissamut ilassutitut pilersaarut nr. 27;
- Nunami ammaannartumi qamutiniq motorilinnik angalasinnaanermut Qeqqata Kommuniata ileqqoreqqusaa.
- Eqalunniarneq pillugu Namminersornerullutik Oqartussat nalunaarutaat nr. 20, 25. august 2005-imeersoq.
- Eqalunniartarneq pillugu Qeqqata Kommuniani malittarisassaq.
- Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-meersoq.
- Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 15, 3. juni 2015-imeersoq Inatsisartut inatsisaata nr. 19, 3. december 2012-imeersup allanngortinneqarnera pillugu (Inatsisip atuuffigisaa sukisaarsaatigalugu aalisarnermit akuersissutinut sumiiffikkaanullu pilersaarutinut piginnaatitsissummik ilaqartilerlugu annertusisaaq).
- Ilanngussaq

### 6.2 Neqeroortitsisut tunuarsimaarutaat

Pisortat qinnuteqaqqusinerannut atatillugu Naalakkersuisut imaattunik tunuarsimaaruteqarnerat oqaatigineqassaaq:

- Atortussat nassiunneqartut tigummiinnarneqarsinnaapput.
- Qinnuteqartumiit ilassutitut paasissutissanik piniartoqarsinnaavoq, qinnuteqaatip tiguneqareernerani. Paasissutissat taamatut pissarsiat qinnuteqaammut ilaasutut isigineqassapput.

### 6.3 Qinnuteqarnermi atugassarititaasut

Inuit arlaqartut / ingerlatseqatigiiffiit ataatsimoorlutik qinnuteqaammik nassiussaqaarpata (ingerlatseqatigiittut), qinnuteqaat inunnut pineqartunut / ingerlatseqatigiiffinnut tamanut pituttuisuussaaq, inunnillu pineqartunit tamanit / ingerlatseqatigiiffinnit atsiorneqassalluni. Ingerlatseqatigiiffik akuersissummik tunineqarpat, ingerlatseqatigiiffimmi ilaasortat tamarmik uppersaammik suliaqassapput, ataatsimoorluni toqqaannartumillu isumaqatigiissummumut akisussaaneq / pitunneqarneq pillugu.



#### ***6.4 Qinnuteqartup tunuarsimarutai***

Qinnuteqartup tunuarsimaarutigisinnaasai qinnuteqaammi ersittumik nalunaarneqarsimassapput, allaaseralugu tunuarsimaarut sumut tunnganersoq, tunuarsimaarut sunaanersoq, tunuarsimaaruteqarnermullu suna tunngavilersuutaanersoq. Erseqqissarneqassaaq tunuarsimaarutit neqeroortitsinermi qaaqquissutitut pappialaatinut tunngaviatigut akerliusut kinguneqarsinnaammata qinnuteqaatip suliarineqanngitsoorneranik.

#### ***6.5 Qaaqquissummi atortunut piginnittussaaneq***

Atortut qaaqquissummut tunngasut aamma taakkunani paasissutissat nassaassaasut Naalakkersuisut/ Qeqqata Kommuniata pigaat.

#### ***6.6 Qinnuteqaatip imarisaanut tunniunneqarnissaanullu piumasaqaatit***

##### ***6.6.1 Ilusissaanut piumasaqaatit***

Qinnuteqaat imaqassaaq allaaserinninnermik paasissutissanik pisariaqartunik tamakkiisunillu imaqartumik, qanoq aaqquissuussinikkut qinnuteqartup suliaassap naammassiniarneranut periaaseqarniarnera pillugu immikkoortut 6.6 aamma 6.7 naapertorlugit. Qinnuteqaat imatut ilusilersorneqarsimassaaq paasissutissat pisariaqartut tamarmik qinnuteqaammi takuneqarsinnaanngorlugit.

Qinnuteqaat suliarineqassaaq kalaallisut, danskisut imaluunniit tuluttut.

Nunaminertamut akuersissuteqarfiusinnaasumut atatillugu taamaallaat qinnuteqaammik ataatsimik neqeroortitsinermut ataatsimut qinnuteqartoq inuk / ingerlatseqatigiiffik nassiussaarsinnaavoq, taamalu akuersissuteqarfiusussamut ataatsimut pineqartumut qinnuteqaatini arlalinni peqataasoqarsinnaanani.

Periarfissaqarpoq sumiiffinnut arlaqartunut qinnuteqaateqarnissaaq imaluunniit sumiiffiit arlaqartut ataatsimoorluni ingerlannissaannut qinnuteqarnissaaq. Qinnuteqartoq qinnuteqaatinut marlunnut amerlanerusunulluunniit akuersissummik tunineqarpat, sumiiffik ataaseq suli immikkoortutut isigineqassaaq, immikkut aqunneqartutut sanaartornissamut akuersissutinut, angalasinnaanermut akuersissutinut il.il. atatillugu.

Qinnuteqartup akisussaaffigaa qinnuteqaatip paasissutissanik pisariaqartunik tamanik imaqarnissaa, pissutsinik sammisariaqartunik tamanik qulaajaasuunissaa, paasissutissanillu pisariaqartunik tamanik imaqarnissaa, takukkit uunga qaaqquissummut atatillugu piumasaqaatit nalunaarsorneqarsimasut. Qinnuteqartup tamanut ammasumik neqeroortitsinermut matumunnga atatillugu aningaasartuutai neqeroortitsisup susassarinnngilai.



### 6.6.2 Suliniutissanut pilersaarut

Qinnuteqaat imaqassaaq suliniutissanut pilersaarummik siunertaasunut naapertuuttumik, tassanilu ersissaaq qinnuteqartup qanoq aaqqissuussinermigut takornariatitsinermi nioqputissamini siunnersuutaasut naammassiniarnerai. Tamatumalu saniatigut nalunaarneqassapput sanaartukkat suut (illuutit, illuaqqat aamma teknikkimut atortorissaarutit annikinnerusut il.il.) aamma nunaminertamut akuersissuteqarfiusumut ornigunnermut aqputit qanoq ittut tunngaviginiarneqarnersut.

Pilersaarummi tassani ilanngullugit oqaasertalersorneqassapput ukiuni siullerni tallimani pilersaarutit immikkuualuttortai, taakkualu qanoq naammassiniarneqarnersut.

Ersissaaq takornariatitsisarnermi nioqputigisaq qanoq ussassaarutiginiarneqarnersooq qanorlu ineriartortinniarneqarnersooq, tuniniaanermi niuerfiit perrattut suleqatigisassallu takornariatitsisarnerup annertunerulersinnaaneranut sunniuteqarsinnassut iluaqutigalugit il.il.

Ingerlaqqillunilu ilaassaaq missiliuut suliniutip sumiiffimmi pineqartumi aallaaveqarluni ingerlanneqarnissaanut piffissami akuersissuteqarfiusumi tamarmiusumi.

Tassani qinnuteqartup allaaserissavaa takornariatitsisarnermi suliniutip najukkami suliffissanik qanoq pilersitsisinnaanera, ersarissumik nalunaarsorlugit najugaqavissunut (kalaallinut) suliffissat, nunani allamiunut suliffissatut naatsorsuutigineqartunut sanilliullugit.

Ingerlaqqillunilu qinnuteqartup allaaserissavaa, qanoq aaqqissuussinikkut sullissinerit, pisiniartarfiit aamma kiffartuussinerit najugavissunit isumagineqartut ingerlanneqarsinnaanersut, taamaaliornikkut suliniut pitsaanerpaamik sumiiffimmi inuiaqatigiinnut iluaqutaasinnaaqullugu.

### 6.6.3 Aningaasalersuinissamut pilersaarut

Akuersissummik tunisisoqarsinnaaneranut pingaaruteqartumik tunngaviuvoq qinnuteqartup pisariaqartumik aningaasaqarnikkut tunuliaqutaqarnissaa, aningaasartuutinik neqeroorutip naammassinissanut takornariatitsinermilu nioqputigisat tunniussinnaanissaannut naammattunik aningaasatigut periarfissaqarnera. Taamaattumik qinnuteqartup suliniutissatut siunnersuutigisani qanoq aningaasalersorniarnarlugu pilersaarutimini allaaserissavaa. Tamatumalu saniatigut piumasarineqarpoq suliniummut missingersuusiaq, suliniummi immikkoortunut ilaasunut agguataagaasoq.

### 6.6.4 Ilisimasat

Qinnuteqaat imaqassaaq allaaserisamik qinnuteqartup / qinnuteqartut siusinnerusukkat neqerortitsinerni, tuniniaanerni aamma sullissisarnermi uani pineqartut assigisaannik imaluunniit assingusinik takornariatitsinermi suliaasarsimasunik, taamaalilluni uppersarneqarsinnaaqullugu qinnuteqartup fagitigut pisariaqartunik piginnaaneqarnera pilersaarutaasut takornariatitsinermi suliniutinik allaaserineqartutut ingerlatsinissamut.



## 6.7 Qinnuteqartumut piunasaqaatit uppernarsaatillu

### 6.7.1 Qinnuteqartoq

Immikkoortumi uani nalunaarsorneqarput piunasaqaatit arlaqartut eqqortinneqartussat akuersissummik tunineqarsinnaajumalluni. Qinnuteqartoq inuusinnaavoq imaluunniit ingerlatseqatigiiffiulluni.

#### **Qinnuteqartoq inuuppat, piunasaqaatit makkua naammassineqarsimassapput:**

- Inuup takornariartitsinermik ingerlatsinissamut akuersissummik piniarluni qinnuteqartup makkua naammassissavai:
  - 1) Inuk qinnuteqartoq Kalaallit Nunaanni inuit nalunaarsorsimaffianni nalunaarsorsimassaaq ataatsimut piffissami minnerpaamik qinnuteqarneq sioqqullugu ukiunik marlunnik sivisussuseqartumi.
  - 2) Inuk qinnuteqartoq Kalaallit Nunaanni inuit allattorfimaffianni najugalittut nalunaarsimassaaq.
  - 3) Inuk qinnuteqartoq tamakkiisumik Kalaallit Nunaanni akileraartartuussaaq.
  - 4) Inuk qinnuteqartoq nammineq pigisaminut nalilinnut tamakkiisumik atuisinnaassuseqartuussaaq, tamatumani aamma akilersuinerminik unititsisimassanani, akiliisinnaajunnaaqqassanani imaluunniit tamatumunnga sanilliunneqarsinnaasumik inissisimassanani.<sup>1</sup>

#### **Qinnuteqartoq ingerlatseqatigiiffiuppat piunasaqaatit makkua naammassineqarsimassapput:**

- Ingerlatseqatigiiffiup takornariartitsinermik ingerlatsinissamut akuersissummik piniarluni qinnuteqartup makkua naammassissava:
  - 1) Ingerlatseqatigiiffik qinnuteqartoq aktiaatileqatigiiffiussaaq imaluunniit piginneqataassutinik - anpart-inik – piginneqatigiiffiussalluni, Kalaallit Nunaanni angerlarsimaffilik, aamma
  - 2) Ingerlatseqatigiiffik qinnuteqartoq pigisaminik nalilinnik tamakkiisumik atuisinnaassuseqassaaq, tamatumani aamma akilersuinerminik unititseqqassanani, akiliisinnaajunnaaqqassanani imaluunniit tamatumunnga sanilliunneqarsinnaasumik inissisimassanani.<sup>2</sup>

#### **Inunnut ingerlatseqatigiiffinnullu qinnuteqartunut piunasaqaatit makkua atuupput:**

Inuit / ingerlatseqatigiiffik akiliisinnaajunnaarluni unittussanngorsimassangilaq, akilersuijunnaarsimassanani imaluunniit pinngitsaaliissummik akuerineqartariaqartumik akilersuisussanngorsimassanani akiliisinnaajunnaalinngitsutut, imaluunniit pineqartunut asingusumik atugaqartuussanani.

<sup>1</sup> Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersumi § 14 naapertorlugu.

<sup>2</sup> Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersumi § 15 naapertorlugu.





Tamatumunnga uppernarsaatit nassiunneqassapput:

- Kiffartuussinermut uppernarsaat - Serviceattest - ( Erhvervs- og Selskabsstyrelsen-imiit) assigisaaluunniit, qaammatit kingullit arfinillit iluanni suliaasoq.  
(kiffartuussinermut upperarsaat - serviceattest - aaneqarsinnaavoq [www.virk.dk](http://www.virk.dk) 725 kr.-inillu akeqarluni.)
- Kukkunersiuusup uppernarsaanera.

Inuk / ingerlatseqatigiiffik eqqartuussivimmi eqqartuunneqarsimasuussanngilaq pissutsinut pineqaatissiisutaasinnaasunut Kalaallit Nunaanni, Danmark-imi imaluunniit nunami inuup pineqartup / ingerlatseqatigiiffiup suliaminut tatiginassuianik innarliilluni nalorninarsisitsisumik.

Tamatumunnga uppernarsaatit nassiunneqassapput imaattut:

- Kiffartuussinermut uppernarsaat (Erhvervs- og Selskabsstyrelsen-imit) assigisaanilluunniit, qaammatit kingullit arfinillit iluanni suliaasoq.  
(kiffartuussinermut uppernarsaat aaneqarsinnaavoq [www.virk.dk](http://www.virk.dk) -mi 725 kr.-inillu akileqarluni)
- Pinerluuteqarsimannginnermut uppernarsaat

Inuup / ingerlatseqatigiiffiup ingerlatsinera tamakkiisumik Kalaallit Nunaanni akileraartartuusooq.

- Kalaallit Nunaanni inuussutissarsiutinut nalunaarsuiffimmiit uppernarsaat nassiunneqassaaq (GER-normumut uppernarsaat)

### **Aningaasaqarnikkut piunasaqaatit:**

Inuk / ingerlatseqatigiiffik naammattunik aningaasaateqassaaq aningaasaqarnikkullu piginnaaneqassalluni suliaasat neqeroorutigineqartut ingerlannissaannut. Tamatumunnga uppernarsaatit imaattut nassiunneqassapput:

- Ingerlatseqatigiiffiup ukiumoortumik nalunaarutai kukkunersiuusunit atsiukkat, ukiumut kingullernut pingasunut, imaluunniit ukiumut ikinnerusunut.
- Akisussaaffinnut sillimmasiinnermut allagartap kopia aamma sillimmiasiinerup qanoq annertussuseqarneranut paasissutissat.

Ingerlatseqatigiiffik ukiumoortumik nalunaarusiornissamut pisussaaffeqanngippat, nassiunneqassaaq ingerlatseqatigiiffiup aningaasaqarneranut aningaasarsiorneranullu uppernarsaatit, imaattut:

- Ukiumut kingullernut pingasunut naatsorsuutit kukkunersiuusunit atsiukkat, imaluunniit ukiumut ikinnerusunut.
- Ingerlatseqatigiiffiup aningaasaqarnikkut oqimaaqatigiissitsineranik takutitsissutit.



- Suliffeqarfiit aallarterlaat nassiutissavaat aningaasartuutissanut missingersuusiat kukknersiuisumit atsiukkat.

### **Misilittakkat:**

Inuk / ingerlatseqatigiiffik naammattunik piginnaaneqassaaq, kiffartuussinikkut suliassat neqeroorutigineqartut naammassisinnaajumallugit.

Tamatumunnga uppernarsaatitut makkua nassiunneqassapput:

- Neqeroorummut matumunnga atatillugu takornariartitsinikkut nioqqutissiat pineqartut sularineqartarsimasut allassimaffiat, ukiuni kingullerni pingasuni tunineqartarsimasut (tamanna periarfissaappat). Kissaatigineqarpoq sumiiffiup, takornariartitsinermi
- suliap qanoq ittip, kikkunnt saaffiginnittup, kiisalu qinnuteqartup nammineq tunngavilersuutaa qanoq suliassat pineqartut misilittagaqarfigineqarnersut.
- Paasissutissanik piniarfigineqarsinnaasut allassimaffiat.
- Sulisorisat akuusut allassimaffiat.
- Suliffeqarfimmi sulisorisat ataatsimut amerlassusaat.
- Suliffeqarfimmi sulisorisat ilinniagaannut tunngatillugu paasissutissat, - immikkut sulisut qinnuteqaammut atuumassuteqartut sammillugit.

## **6.8 Akuersissummik tunniussinissamut tunngaviusussat**

Immikkoortumi uani nalunaarsorneqassapput piumasaqaatit neqeroorutitut piffissaq eqqorlugu nassiunneqarsimasunut toqqartuiffiusussanullu tunngavigineqartussat. Neqeroorutit ataatsimut isigalugu taakkunani iluatinnarnerpaat piumaneqassapput. Neqeroorutit piffissaq eqqorlugu tunniunneqarsimasut nalilersorneqassapput ataani akuersissummik tunniussinissamut tunngavissat naapertorlugit, ungalusamiittup takutittassallugu uuttuineq akuersissuteqarnissami tunngaviusut ataasiakkaat oqimaalutaat, ataatsimut qinnuteqaatit nalilersorneqarnissaanut.

### **6.8.1 Suliniutissanut pilersaarut (25 %)**

Qinnuteqartup suliniutiginiagaanut pilersaarummik nalilersuinermi pingartinneqassapput pilersaarutit makkua (tamatumani aamma piffissalersukkamik pilersaarutit) makkununnga:

- Qanoq qinnuteqartup nioqqutissiaq siunnersuutigineqartoq sullitaminut / tikeraanut sassaalliutiginiarneraa.
- Ukiuni akuersissuteqarfiusuni siullerni tallimani takornariat / tikeraat ukiumut qassit naatsorsuutiginerai.
- Qinnuteqartup takornariartitsinermi nioqqutissiani qanoq aqqissuussinikkut tuniniarneraa, nioqquteqarfiillu naammassisaqarfiullu isumannaarlugit, taamaasilluni takornarianik sumiiffimmut akuersissuteqarfiusumut



“ussattoqarsinnaangorlugu”, tamatumani aamma immaqqa niuerfinnik sullittakkanilluunniit misissuinernik il.il. ingerlatsilluni.

- Qanoq qinnuteqartoq najukkami pineqartumi suliffissanik pilersitsiniarnersoq, najukkamilu niuertunik tunisassiaatilinnik iluaquteqarniarnersoq, taamaasilluni sumiiffimmi pineqartumi inuiaqatigiit akuersissuteqarfiusumik takornariartitsisarnermit aamma iluanaarutissarsisinnaangorlugit.
- Qanoq qinnuteqartoq akuersissutip atorunnaareerneratigut saliiniarnersoq.

### **6.8.2 Fagitigut immikkut ilisimasallit / ilisimasallit aamma assingusumik nioqqutini misilittagallit (25 %)**

Qinnuteqartup suliniummut piginnaasaanik aamma misilittagaanik nalilersuinermit pingaartinneqassapput:

- Ilinniakkatigut misilittakkatigullu inuit takornariartitsinernik suliniummi peqataaniartut pigisaat. Taamaattumik kissaatigineqarpoq inuit suliniummi akuusut takussutissiarineqarnissaat, kiisalu taakkua akisussaaffigisimasaat suliarisarsimasaallu siusinersukkut takornariartitsinernik aallartitsinerni ingerlatsinernilu allaaserineqassasut.

### **6.8.3 Aningaasalersuinissamut pilersaarut (25 %)**

Qinnuteqartup aningaasarsiornikkut tunuliaqutaanik nalilersuinermit pingaartinneqassapput:

- Suliniutip aningaasaqarnikkut atugassatut killiliussai – tamatumani aamma aningaasaliinerit ingerlanniarneqartut annertussusaat, kiisalu qanoq ilimanaateqarnera qinnuteqartup suliniutissanik pilersaarutigineqartunik kivitsisinnaassusia.
- Qinnuteqartup pilersaarutininik suliaqarsinnaassusia, isumaqatigiissusiorsinnaassusia allatulluunniit aningaasaliissutissaminut uppernarsaasiorsinnaassusia (sanaartukkanut, tuniniaanermut il.il.), qinnuteqartup qinnuteqaataanut atasunik.
- Akisussaaffinnut sillimmasiinissamut piumasaqaatit.

### **6.8.4 Kalaallini aallaaveqarneq (25 %)**

- Qinnuteqartup piumassusaa piginnaasaalu nunatsinni suliffissanik pilersitsisinnaanermut, tamatumani:
  - Najugaqavissunik aqutsisoqarneq sulisoqarnerlu.
  - Sulisorisanik pikkorissartitsisarneq.
  - Takornarianik angallassisartut kiffartuussisullu allat najugaqavissut.
  - Sulisussat allat naleqquttut.
- Qinnuteqartup piumassuseqassusia najukkami suliassanik suliassiisarnermut, pisiniartarnermut aamma kiffartuussinernik pisiniartarnermut, makkua suliarineranni:
  - Assartuineq sumiiffimmilu suliassat allat.
  - Nerisaqartitsineq, unnuisarneq kiffartuussinerillu suliamut tunngasut allat.
  - Atortussanik, pequtinik assigisaannillu pisiniartarneq.



- Allat.

Ajornangippat ilisimatitsissutigineqassapput najugaqavissunik (kalaallinik) sulisoqarnek aamma nunanit allaneersunik sulisoqarnerup qanoq agguataarneri, kiisalu najukkamit pisiniartarnerup aamma nunanit allanit pisiniartarnerup annertussusai.

- Qinnuteqartup piumassuseqassusia suleqateqarnissamut aamma joint venture-imik najugaqavissut/ kalaallit suliffeqarfiutaannut inunnullu isumaqatigiissuteqarsinnaassusia, tamatuma qanoq nassuiarneqarnera pillugu takuuk immikkoortoq 6.7.1.
- Qinnuteqartup piumassuseqassusia najugaqarfimmut takornariartitsinermik suliniutip iluaqutaasinnaanerani nukittorsaanissamut.

### **6.8.5 Agguaassinissami tunngavissat allat**

Qinnuteqaatit tiguneqarsimasut immikkoortoq 6.8.1.-6.8.4.-mi pineqartut nalilersorneqarneranni qinnuteqaatit marluk amerlanerusulluunniit akornanni assigiimmik naliliisoqarpat, inaarutaasumik naliliinermi tunngavissat allat makkua ilanngullugit isiginiarneqassapput:

- Qinnuteqartup kalaallinik sulisussanik sapinngisamik amerlanerpaanik atuinera, takornariartitsinermi suliniutip pineqartup ingerlanneqarnerani.
- Qinnuteqartup sapinngisamik kalaallit suliffeqarfiutaannik nioqqutissanik, kiffartuussinernik il.il. pisiniartarnermini atuilluni iluaquteqarnera, takornariartitsinermik suliniummik pineqartumik ingerlatsinermi.



## **7. Qinnuteqaatinik suliaqarneq**

Qinnuteqaatit tiguneqartut nalilersorneqassapput agguassinissamut tunngavissat qaaqqussutitut allakkiami immikkoortumi 6.8.-imi pineqartut tunngavigalugit.

Naalakkersuisut aalajangersinnaapput akuersissummik tunniussaqaarniaratik qinnuteqaatit tiguneqarsimasut tunngavigalugit. Tassalu Naalakkersuisut pinngitsoorarik pisussaaffingngilaat takornariartitsinermut suliffeqarfimmut akuersissummik tunniussaqaarnissaq, naak qinnuteqartumik qinnuteqartunilluunniit arlaqartunik tamatumani peqaraluartoq qinnuteqartut arlaannaataluunniit qaaqqussutitut allakkiami piumasqaatit naammassisimangippatigit.

Naalakkersuisut aalajangersinnaapput qinnuteqaatit tiguneqarsimasut itigartinniarlugit, taamalu akuersissummik tunniussaqaarik.

### **7.1 *Qinnuteqaatinik misissuineq***

Qinnuteqaatinik nalilersuilluni misissuineq naatsorsuutigineqarpoq ingerlanneqassasoq december 2015-imi.

Qinnuteqaatit misissorneqarnissaannut ataatsimiititaliamik nalilersuisussamik pilersitsisoqassaaq, naligiissunik ilaasoqartartumik, Qeqqata Kommunianiit, Naalakkersuisunik - Aalisarnermut, Piniarnermut Nunalerinermullu Naalakkersuisoqarfimmiit, Inuusutissarsiornermut, Suliffeqarnermut Niuernermullu Naalakkersuisoqarfimmiit ilaasortaqaartumik.

### **7.2 *Akuersissummik tunniussinermut nalunaaruteqarneq***

Qinnuteqaatit tiguneqartut sanilliullugit nalilersorneqareernerisigut takornariartitsisarnermut akuersissummik tunniussisoqassaaq takornariafiusartussatut toqqarneqarsimasumut nunaminertamut qinnuteqartumut qinnuteqaammik naammaginarnerpaamik suliaqarsimasumut, akuersissummik tunniussinissamut tunngavissat immikkoortoq 6.8.-imi nalunaarneqarsimasut tunngavigalugit.

### **7.3 *Qinnuteqartumik toqqarneqartumik nalunaarfiginninneq***

Qinnuteqartut tamarmik allakkatigit ilisimatinneqassapput akuersissummik tunineqassanerlutik, imaluunniit qinnuteqartoq alla naleqqunnerutinneqarsimanersoq pillugu. Allakkatigit taamatut nalunaaruteqarneq sapinngisamik sukkanerpaamik isumagineqassaaq Naalakkersuisut tamatumunnga tunngatillugu aalajangereerneranni qinnuteqartuni sorleq nalilersuinissami tunngaviusunik pitsaanerpaamik naammassinninersoq.

### **7.4 *Maalaaruteqarsinnaaneq***

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersumik tunngaveqartumik aalajangiinerit oqartussanut allanut maalaarutigineqarsinnaanngillat.